

# ERNUMANASSUTSIMUT UUTTUUT PITSAALIUNERMUT ISUMAGINNINERMULLU AQUTSISOQARFIMMIK

QORSUK – AAPPALUGUSERSOQ – AAPPALUTTOQ

Tamarmik iliuseqarfigneqassapput, assigiinngitsunilli periuseqarnikkut

## NALINGINNAASUMIK INGERLASSAAQ – NAMMINEQ AAQQIIVI- GINEQASSAAQ

Meeraq misigissutsikkut, pissusilersornikkut inunullu akulerunnermigut nalinginnaasumik ineriartorpoq.

Angajoqqaat ulluinnarni ajornartorsiutaasu-nik namminneq aaqqiisnaalluarpot. Angajoqqaat pisariaqarfiisigut siunnersortissamik ugartornissaat sapersaatiginngilaat.

Aaqqitassaqaartillugu ajornanngitsumik aaqqiisqarsinnaavoq. Angajoqqaat pisariaqarfiisigut Meeqquerivik, Atuarfik allalluunniit akulerutsissinnaavaat.

Meeraq angajoqqaami avinnerisigut toqusoqarneratigulluunniit tassangaannartumik misigissutsikkut oqimaarsartinneqalerpoq. Meeraq misigissutsik-

kut pissusilersornermigullu ajornartorsiulerpoq imaluunniit atuarfimmi malinnaaniarnermigut ajornartorsiulerluni.

Angajoqqaat ajutoornermit nalaanneqarnertik, avinnertik, toqusoornermik suliffeerunnertilluunniit peqqutigalugu meeqqaminnik isumaginnissiinnaaneratt annikilligallarsimavoq. Meeqqap piffissami sivikinnerusumi ajornartorsiutigiligaasa aaqqiiviginissaat angajoqqaavisa artorsaatigaat.

Aaqqinniagassat angajoqqaat namminneq aaqqiniarsinnaavaat. Angajoqqaat Meeqquerivimmit atuarfimmilluunniit siunnersorneqarnissartik ugartorsinnaavaat. Meeqquerivik atuarfilluunniit angajoqqaanik suleqateqalerpoq.

## AJORTOQARUNARPOQ – IKIORTEQARLUNI AAQQIIVIGINEQAS- SAAQ

Ajortoqarnera meeqqap sakkortunngikkaluamik takutippaa. Ajortoqarneranut takussutaasinnaasut makkuusinnaappot: Kiserliorneq, nikallunganeq, nipaarluneq imaluunniit sakkortusaarluni pissusilersorneq, akerliliumatuneq, qinngasaartinneq namminerluunniit qinngasaarineq.

Angajoqqaat isumaginninnerat angajoqqaatullu pinginnaasaat pitsanngorsarneqarsinnaappot immikkut tapersorsornerisigut siunnersornerisigullu.

Aaqqiissutissat allat ikiortigalugit ingerlanneqassappot. Meeqqueriviup, Atuarfiup, Pitsaaliuinerimi immikkoortortap Isumaginnittoqarfiilluunniit angajoqqaat suleqatigissavaat. Suliffeqarfiit akulerusimasut suleqatigiissappot susassaqaartullu ataatsimiittarlutik.

**IKIORSIISOQASSAAQ  
– SULIASSAQ IMMIK-  
KUT SULLISSISUNIT  
AAQQIIVIGINEQAS-  
SAAQ**

Meeraq piffissami sivisuumi artorsartinneqarsimavoq. Ajortoqarneranillu ersarissumik takussutissiilluni, soorlu makkuninnga: Akerliliumatunera annertuvoq, inunnut allanut akulerukkusunngilaq, piuinnaatsumik pissuseqarpoq, inersimasuaqqatut pissusilersorpoq, pinerlunniakujuttalerpoq, atornerluiniartalerpoq imaluunniit atoqatigiinnermut tunngassuteqarsinnaasunik pissusilersuuteqartalerluni.

Angajoqqaat isumaginnissinnaanerat anniktsuaraan-naavoq ilaqutariinnilu artorsaatit aaqqiiviginissaat nukissaqarfigineqaratik. Angajoqqaat atornerluisuusinnaapput imaluunniit angajoqqaatut piginnaasaat anniktsuinnaasinnaallutik, allat misigissusaannik paasinnissinnaanngillat aamma namminneq pisari-aqartitatik kisiisa aalluppaat. Angajoqqaat timikkut nakuuserneq tarnikkulluunniit annersitsineq atorsinnaavaat inunnullu allanut attaveqaratik imaluunniit attaveqarnerat killeqarluni.

Aaqqiissutissat allat ikiortigalugit ingerlanneqassapput. Iliuuseqarnermi annertuumik ikiorsiiniutinik ingerlatsisoqassaaq. Isumaginnittoqarfik suliffeqarfiillu allat soorlu Politiit, Peqqinnissaqarfik allalu suliame akulerusimapput. Kommunimi isumaginninnerup iluani Akimut Suleqatigiiffik ikiorsiiniutissanik naleqquttunik innersuusiussaaq. Isumaginninnermi Ataatsimiititap ikiorsiiniutit suut ingerlanissaat aalajangiiffigissavaa.

Meeqqap atugarliornini ullut tamaasa takutittarpaa, soorlu imatut pissusilersornermigut: Pitsaanngitsumik pissusilersornermigut malugeqqujuarluni, allanut attaveqarpiarsinnaanani, kinguaassiuutitigut atornerlunneqarluni, naamaarluni/ikiaroorluni/imigassartorluni, pinerlunniarluni, imminornissamik eqqarsaateqarluni tarnikkulluunniit napparsimalerluni. Paarineqarnissaminik alaatsinaanneqarnissaminillu pisariaqartitsivoq.

Angajoqqaat meeqqaminnik isumaginnissinnaanngillat. Ilaqutariit inuttut, tarnikkut, inooqataanikkut, aningaasaqarnikkut aammalu/imaluunniit inunnut allanut attaveqaniarnermik annertuumik sanngiifefarput. Aaqqiagiinnginnerit annertuut, persuttaanerit, killeqanngitsumik pissusilersornerit, allat misigissusaannik paasinnissinnaannginneq allannguisamullu piginnaasaqannginneq angajoqqaani atuupput.

Aaqqiissutissat immikkut sullissivinni ingerlanneqassapput. Iliuuseqarnermi ikiorsiiniutit annertuut ingerlanneqassapput. Isumaginnittoqarfik suliffeqarfiillu allat, soorlu Politiit, Peqqinnissaqarfik, Ulloq unnuarlu Angerlarsimaffik suliffeqarfiillu allat suliame akulerusimapput. Isumaginninnikkut ikiorsiiniutit annertuut ingerlanneqassapput, taassuma ataani angerlarsimaffiup avataanut meeqqamik inissiineq.